

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 467589 24 St
Tuzla, 09.10.2024. godine

Općinski sud u Tuzli, stečajni sudija Vedran Milašinović, u postupku predhodnog ispitivanja prijedloga za otvaranje stečajnog postupka nad dužnikom „WOODMAGNAT“ d.o.o, za preradu drveta i promet građevinskog materijala Kalesija, ul. Senada Hodžića Mehdina, kojeg zastupaju punomoćnici advokati iz ZAK Rifat Konjić, Nihad Konjić i Zinaida Konji Kabil iz Tuzle, dana 09.10.2024. godine donio je slijedeće,

RJEŠENJE

POKREĆE SE PRETHODNI POSTUPAK radi utvrđivanja uslova za otvaranje stečajnog postupka nad imovinom privrednog društva „WOODMAGNAT“ d.o.o, za preradu drveta i promet građevinskog materijala Kalesija, ul. Senada Hodžića Mehdina.

Za privremenog stečajnog upravnika imenuje Amir Mujezinović iz Tuzle, ul. Armije R BiH 13, X/37.

Privremeni stečajni upravnik dužan je odmah po prijemu rješenja o imenovanju preduzeti radnje utvrđene odredbom člana 63. Zakona o stečaju, a naročito:

- obezbijediti imovinu dužnika i starati se o istoj,
- ima ovlaštenja da uđe u poslovne prostorije dužnik i provede neophodne radnje,
- utvrditi da li postoji razlog za otvaranje stečajnog postupka,
- ispitati da li će imovina stečajnog dužnika pokriti troškove stečajnog postupka,
- utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka i
- uraditi kontrolu poslovanja stečajnog dužnika.
- kada je podnosilac prijedloga za otvaranje stečajnog postupka stečajni dužnik, dostaviti izjašnjenje da li je stečajni dužnik, odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti.

Privremeni stečajni upravnik dužan je podnijeti svoj pismeni izvještaj ovom sudu u roku od 30 dana od dana donošenja ovog rješenja u kome će izvijestiti ovaj sud o preduzetim radnjama i iznijeti svoje stručno mišljenje o tome da li postoje razlozi za otvaranje stečajnog postupka, odnosno da li postoje bilo kakvi izgledi za nastavak daljeg poslovanja dužnika.

Mjere pojedinačnog prinudnog izvršenja pokrenute protiv stečajnog dužnika se obustavljaju, izlučna i razlučna prava povjerioci ne mogu ostvariti u predhodnom postupku, stečajni dužnik ne može raspolagati budućom stečajnom masom bez saglasnosti privremenog stečajnog upravnika i suda, a sve to u cilju osiguranja buduće stečajne mase.

Rješenje će biti objavljeno u „Službenim novinama F BiH“, web stranici Općinskog suda u Tuzli i na Internet stranici FIA-e, te se pozivaju povjerioci da privremenom stečajnom upravniku bez

odlaganja dostave prijedlog mjera osiguranja na predmetima stečajnog dužnika koje će eventualno zahtijevati.

Ovo rješenje će se dostaviti Odjeljenju registra ovog Suda, Zemljišno-knjižnom uredu Općinskog suda u Kalesiji i Službi za geodetske i imovinsko-pravne poslove Općine Kalesija, radi upisa zabilježbe otvaranja prethodnog postupka.

Obrazloženje

„WOODMAGNAT“ d.o.o, za preradu drveta i promet građevinskog materijala Kalesija, ul. Senada Hodžića Mehdina, kao dužnik, podnio je dana 22.07.2024. godine ovom sudu prijedlog za otvaranje stečajnog postupka nad ovim privrednim društvom, zbog platežne nesposobnosti stečajnog dužnika.

Stečajni sudija nakon što je utvrdio da je prijedlog za pokretanje stečajnog postupka podnesen od strane ovlaštenog predlagача u smislu odredbe člana 58. stav 1. i 2. Zakona o stečaju („Sl. novine F BiH“, br.53/2021. u daljem tekstu Zakon o stečaju) i da je isti dopušten, dana 26.09.2024. godine, naložio je predlagачu da uplati novčana sredstva na ime predujma finansiranja troškova prethodnog postupka radi utvrđivanja uslova otvaranja stečajnog postupka.

Predlagач „WOODMAGNAT“ d.o.o, za preradu drveta i promet građevinskog materijala Kalesija, ul. Senada Hodžića Mehdina, je dana 08.10.2024. godine dostavio sudu dokaz o uplati predujmljenih sredstava za finansiranje prethodnog postupka u iznosu od 3.500,00 KM.

Na osnovu priložene dokumentacije i to: bilans stanja na dan 22.07.2024. godine, bilans uspjeha od 01.01.2024.-22.07.2024. godine, posebni podaci o plaćama i broju zaposlenih uz godišnji obračun od 01.01.-22.07.2024. godine, aneks-dodatni računovodstveni izvještaj za privredna društva od 01.01.-22.07.2024. godine, godišnji izvještaj o investicijama za 2024. godinu od 18.07.2024. godine, obračun članarine od 01.01.-22.07.2024. godine, obračun naknade za korištenje, zaštitu i unapređenje šuma za period od 01.01.-22.07.2024. godine, izvještaj o obračunatim i uplaćenim vodnim naknadama za period 01.01.-22.07.2024. godine, izvještaj o obračunatim i uplaćenim posebnom porezu/naknadi za zaštitu od prirodnih i drugih nesreća od 18.07.2024. godine, obavijest o razvrstavanju od 18.07.2024. godine, izjava o primjenjenom standardu finansijskog izvještavanja od 18.07.2024. godine, bilješke uz finansijske izvještaje za period od 01.01.-22.07.2024. godine, godišnji izvještaj o poslovanju za period od 01.01.-22.07.2024. godine, odluka o prijedlogu za pokriće gubitka za period od 01.01.-22.07.2024. godine za potrebe njegove predaje ovlaštenoj instituciji, odluka o utvrđivanju finansijskih izvještaja za period od 01.01.-22.07.2024. godine za potrebe njegove predaje ovlaštenoj instituciji, aktuelni izvod iz sudskog registra od 01.08.2024. godine, uvjerenje PU F BiH porezna ispostava Kalesija od 01.08.2024. godine, odluka o prestanku rada društva od 09.07.2024. godine, uvjerenje UIO BH od 16.07.2024. godine, potvrda NLB banke od 15.07.2024. godine, potvrda Intesa Sanpaolo banke od 15.07.2024. godine i uplate predujma od 3.500,00 KM, predlagач je učinio vjerovatnim platežnu nesposobnost.

Na ročištu za saslušanje stečajnog dužnika održanog dana 26.09.2024. godine, punomoćnik društva Nihad Konjić advokat iz Tuzle te izjavio da društvo ne posluje već duže vremena možda i petnaestak godina. Društvo ima dugovanja prema PU F BiH. Društvo nema obaveza prema dobavljačima. Prema radnicima nema obaveza. Društvo nema bilo kakvu imovinu.

Iz svega navedenog proizilazi da društvo nije u mogućnosti izvršavati svoje dospjele obaveza od momenta dospijea u neprekidnom trajanju dužem od 60 dana od dana nastanka obaveze. Konačno stanje u pogledu eventualno drugih obaveza bi se moglo utvrditi u slučaju određivanja privremenog stečajnog upravnika koji bi sudu dostavio izvještaj o poslovnom stanju kod predlagача sa izjašnjenjem o uslovima za otvaranje stečaja.

Na osnovu podnesene dokumentacije i zakonskog zastupnika stečajnog dužnika, sud nije u mogućnosti da sam procijeni postojanje svih neophodnih uslova koje Zakon predviđa za otvaranje

stečajnog postupka, te se donosi rješenje o pokretanju prethodnog postupka radi utvrđivanja uslova za otvaranje stečajnog postupka nad dužnikom, temeljem odredbe člana 61. stav 1. Zakona o stečaju.

Odluka iz stava 3. ovog rješenja donesena je temeljem odredbe člana 63. Zakona o stečaju, a nakon što je utvrđeno da privremeni stečajni upravnik ispunjava uslove za imenovanje utvrđene odredbom člana 71. Zakona o stečaju.

Na osnovu navedenog, temeljem citiranih odredbi zakona, sud je odlučio kao u izreci rješenja.

Stečajni sudija
Vedran Milašinović

POUKA O PRAVNOM LIJEKU: Protiv ovog rješenja dozvoljena je žalba u roku od 8 (osam) dana, računajući od dana objavljivanja. Žalbu mogu uložiti stečajni dužnik i privremeni stečajni upravnik. Žalba se podnosi Kantonalnom sudu putem ovog Suda.